



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.  
以下劇本只作參考用途，如欲採用或改編，須先取得作者同意。

**Name of School** : CCC FONG YUN WAH SECONDARY SCHOOL

**學校名稱** : 中華基督教會方潤華中學

**Name of Play 劇名** : Love Will Find The Way

**Script writer 劇作者** : 方中劇社

**Synopsis 故事大綱 :**

「戀愛建成班是你唯一的選擇!」

虛偽、即食、開放，是廿一世紀獨有的愛情觀嗎？

主角權權、Mary 在這個世紀的戀愛中迷失了自己，「戀愛速成班」似乎是他們的指路明燈。

在導師教導下，他們改變自己，以做作及虛假的手段來換取愛情。表面上，他們似乎已融入這種歪曲的戀愛觀念中，但同時，卻又發現自己開始感到迷茫。尋找「真愛」對他們而言，到底是甚麼呢？他們又能找到真正愛自己、接納自己的另一半嗎？



**IMPORTANT NOTE** 重要告示:

This script is only for reference purpose. Rights for performance or adaptation is protected by copyright and their permission must be sought from the author.  
以下劇本只作參考用途，如欲採用或改編，須先取得作者同意。

## Scene 1 「序幕」

人物：痴情男女(4 對)、權權(電車男)、Mary(物質女孩)

(音樂 fade in。)

(數對痴情男女隨著音樂進場起舞。)

(跳舞期間，男女眉來眼去，說不出的痴纏。)

(Spot light 照亮男 A、女 A。二人眉來眼去，快速動作升級。)

男 A：(撥弄頭髮) HI！

女 A：你好型呀！你有冇女朋友架？

男 A：OH！BABY！你咪係囉！

女 A：(撒嬌) E～邊個係你 BABY 啫？

男 A：(逗弄女 A) 你呀，BB！！

女 A：(甜笑) 好衰架你！！！

(男 A 女 A 打情罵俏。)

(Spot light 照亮男 B、女 B。二人正打得火熱。)

男 B：想要咩禮物呀？

女 B：我想要.....！好衰架！人哋都未諗到.....

男 B：唔駛諗啦！我咩都送晒俾你啦！

女 B：真架？！咁我就要 LB 喇，KU 肚臍喇.....，仲有仲有.....

男 B：好好好！同我包起晒佢！

女 B：唔！我真係好愛你呀！

(Spot light 照亮男 C、女 C。)

男 C：(擺 Post) 你——覺得——我點——呀？

女 C：(雙手合十) Um.....你好 CHARM 呀！

男 C：其實——你——唔講——我都知！——哈——哈哈！

(男 C 步開。)

女 C：你想去邊？



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.  
以下劇本只作參考用途，如欲採用或改編，須先取得作者同意。

男 C：我——係一隻冇腳既小鳥，所以.....

女 C：(拉著男 C) 唔緊要架！你得閒飛番黎探吓我已經好滿足！

男 C：Are You Sure？

女 C：Absolutely！

(女 C 依偎著男 C。)

(Spot light 照亮男 D、女 D。)

男 D：嫁俾我！我會愛你一世架！

女 D：(優雅地沉思) 咁你用咩黎證明？

男 D：(拿巨型握介出) 就憑呢隻介指。

女 D：嘩！.....淨係得隻介指咋？！

男 D：梗係唔止喇！仲有 HOUSE、BENZE、HORSE.....同我嘅 FACE！

女 D：(拉男 D 手) 夠啦！唔好再講啦！

男 D：.....？

女 D：因為，我已經超滿足(好 HAPPY 啦)！

(權權、MARY 帶著艷羨的目光出。)

(權權、MARY 瞪著眾戀人，雙眼閃亮著光彩。)

(Music in + Light fade out。)



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.  
以下劇本只作參考用途，如欲採用或改編，須先取得作者同意。

## Scene 2 「戀愛速成班 Class 1」

人物：導師 Judy Tai、權權、Mary、眾學員

(燈光 FADE IN。)

(導師自信出。)

導師： (向觀眾) Good morning class！好歡迎你地參與「明愛暗戀速成班」！

我就係你地既導師——(擺 Post) Judy Tai！

若果你地想「賴蝦毛食天鵝肉，山雞變鳳凰」既話呢！

「明愛暗戀速成班」，係你既唯一選擇！

好喇，第一堂唔講咁多住，冇冇人話俾我知道，呢個時代最緊要係咩？一、二、三 ——

好！冇人答到！緊係啦，答到就唔使黎上堂啦！我好明白你地既苦況！

Well, the answer is——IMAGE：形象。(擺 post)

假設一粒閃爆嘅鑽石，搵垃圾袋袋住，你會唔會信嗰粒係鑽石？

(眾學員擰擰頭。)

導師： 所以冇 Image 嘅人注定失敗！

導師： (指著權權) 你！介紹下自己！

權： (含羞地) .....Hi！.....Hello！大家好，我叫權.....權權，今年 25 歲，  
我係一個.....紮鐵工人——

導師： (厭惡樣子) STOP！STOP！STOP！What are you talking about？

What is 紮鐵工人？

權： .....er.....

導師： 你估你出去人地問你做盛行，你答人：「我做紮鐵架！」

人地仲會唔會話：「紮鐵？我鍾意呀！」咁丫拿！！

各位同學，呢個絕對係「反面教材」！好喇，我而家代入你，你問我啦！

權： 請你...介紹下自己.....

導師： 咳咳，你好，我係阿權，我做建築工程架！Nice to meet you！

權： 吓...但係.....

導師： NO！NO！NO！冇但係！你要相信自己！而且，你要相信自己係一個背景強勁既人，